

Broj: S-11-1/25  
Sarajevo, 26.2.2025. godine

**ZASTUPNIČKI DOM PARLAMENTA FEDERACIJE BiH**  
n/r Dragan Mioković, predsjedavajući

**VLADA FEDERACIJE BOSNE I HERCEGOVINE**  
n/r dr.sci. Edite Kalajdžić, sekretar

Bosna i Hercegovina  
Federacija Bosne i Hercegovine  
PARLAMENTI FEDERACIJE  
SARAJEVO

Prilazno: 26-02-2025

| Broj jed. | Broj | Priloga | Vrijednost |
|-----------|------|---------|------------|
| 05/1      | -02- | 93      | /25        |

**PREDMET:** Odgovor na zastupničko pitanje, d o s t a v l j a s e

**VEZA:** Vaš akt broj: 05/1-02-93/25 od 19.2.2025. godine  
Vaš akt broj: 03-04-28-12/2025 od 21.2.2025. godine

Ustavnom sudu Federacije Bosne i Hercegovine je dostavljeno zastupničko pitanje Admira Čavalića, zastupnika Zastupničkog Doma Parlamenta Federacije Bosne i Hercegovine, kojim traži sljedeće informacije:

- "O ukupnom broju zaposlenih u javnom sektoru FBiH za svaku godinu pojedinačno u posljednjih 10 godina;
- Broju zaposlenih u organima uprave, javnim preduzećima, zdravstvenim ustanovama, obrazovnim institucijama i drugim institucijama koje se finansiraju iz Budžeta Federacije Bosne i Hercegovine ili kantona".

Obzirom da se Ustavni sud Federacije Bosne i Hercegovine finansira iz Budžeta Federacije Bosne i Hercegovine, a kako je gore navedenim aktima i traženo, na postavljeno pitanje dajemo sljedeći

### ODGOVOR

Članom IV.C.3.9. Ustava Federacije Bosne i Hercegovine, propisano je da se Ustavni sud Federacije Bosne i Hercegovine sastoji od devet sudija, od kojih su najmanje po dva iz reda sva tri konstitutivna naroda i jedan iz reda Ostalih.

Organizacija Ustavnog suda Federacije Bosne i Hercegovine propisana je Odlukom o položaju, organizaciji, funkcionisanju, samostalnosti i upravno-materijalnoj nezavisnosti Ustavnog suda Federacije Bosne i Hercegovine ("Službene novine Federacije BiH", broj 6/18, 31/22, 82/22, 18/23 i 48/24).

Članom 34. naprijed navedene Odluke, propisano je da stručne i druge poslove za potrebe Ustavnog suda Federacije Bosne i Hercegovine vrši Stručna služba Ustavnog suda,

dok je članom 36. iste Odluke propisano da će se organizacija Stručne službe, uslovi i postupak izbora, postavljenja i razrješenja zaposlenih u Stručnoj službi urediti pravilnikom.

Pravilnikom o unutrašnjoj organizaciji, sistematizaciji i radnim odnosima Stručne službe Ustavnog suda Federacije Bosne i Hercegovine, broj: P-82/19 od 27.03.2019, P-145/21 od 8.12.2021 i P-68/23 od 5.4.2023. godine, propisan je broj zaposlenih u Stručnoj službi Ustavnog suda Federacije Bosne i Hercegovine, i to ukupno 29 službenika i namještenika. Međutim, stvarni broj zaposlenih u Stručnoj službi Ustavnog suda Federacije Bosne i Hercegovine je 17, od čega je 9 namještenika i 8 službenika.

Razlog popunjenosti Stručne službe Ustavnog suda Federacije Bosne i Hercegovine sa svega 58% od ukupnog broja predviđenih radnih mjesta, je iz razloga što se ne odobravaju finansijska sredstva od strane Federalnog ministarstva finansija/financija za povećanje broja zaposlenih, unatoč tome što ovaj Sud svake godine, prilikom sačinjavanja budžetskih instrukcija traži dodatna finansijska sredstva radi popunjavanja određenog broja radnih mjesta koja su sistematizovana naprijed navedenim Pravilnikom i koja su neophodna za funkcionisanje Ustavnog suda Federacije Bosne i Hercegovine.

Dakle, sa danom sačinjavanja ovog akta u Ustavnom sudu Federacije je zaposleno je ukupno 9 sudija i 17 službenika i namještenika, što ukupno čini 26, i taj broj je nepromjenjen posljednjih 10 godina.



Predsjednica  
Ustavnog suda Federacije  
Bosne i Hercegovine

*Martinović Aleksandra*  
**Martinović Aleksandra**

**Dostaviti:**

- ① Naslovu;
- U spis.